



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNICA

INFORMACIJA
U VEZI SA PRIMJENOM ZAKONA O KOMUNALNIM TAKSAMA
KANTONA SARAJEVO

Sarajevo, juli 2023. godine

Adresa: Hamdije Kreševljakovića 3
71000 Sarajevo, BiH
Tel: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



Informacija

u vezi sa primjenom Zakona o komunalnim taksama Kantona Sarajevo

Na prijedlog Kolegija Gradskog vijeća, Gradsko vijeće Grada Sarajeva na svojoj 15. sjednici, održanoj dana 27.04.2022. godine, usvojilo je sljedeći zaključak:

- Gradsko vijeće upućuje gradonačelnicu da intenzivno nastavi započete aktivnosti s ciljem da se, u skladu sa članom 5. Zakona o komunalnim taksama Kantona Sarajevo, usaglasi i potpiše Sporazum između Grada Sarajeva i gradskih općina o raspodjeli prihoda koji se prikupljaju od komunalnih taksi na području grada Sarajeva.
- Gradsko vijeće zadužuje i daje punu podršku gradonačelnici da poduzme sve što je potrebno u okviru nadležnosti Grada Sarajeva, koristeći i autoritet gradonačelnice, da gradske općine izvrše izmjene već donesenih odluka o komunalnim taksama suprotnih navedenim zakonskim odredbama, ako je potrebno i podnošenjem zahtjeva Ustavnom sudu FBiH za ocjenu ustavnosti takvih odluka, uz prethodno upoznavanje gradskih općina s ovom namjerom.
- Gradsko vijeće zadužuje gradonačelnicu da o procesima koje vodi i koje će voditi s ciljem ostvarivanja zakonom utvrđenog prava Grada Sarajeva na dio prihoda od komunalnih taksi, svakog mjeseca informira Gradsko vijeće.“

Naime, stupanjem na snagu Zakona o komunalnim taksama Kantona Sarajevo („Službene novine Kantona Sarajevo“, broj 8/22), Općinska vijeća općina Kantona Sarajevo bila su dužna u roku od 30 dan od dana stupanja na snagu ovog zakona donijeti odluku kojom se utvrđuje kriterij i vrsta takse za obveznike koji su registrovani i/ili posluju na području općine, a sve u skladu sa članom 6. citiranog Zakona. Donošenje predmetnih odluka podrazumijeva poštivanje i postupanje shodno odredbama Zakona, a što se odnosi i na primjenu i postupanje shodno odredbi člana 5. stav (2) i stav (3) Zakona, kojim općine koje čine Grad Sarajevo i Novi Grad Sarajevo dijele prihode od taksi na način da se posebnim sporazumom utvrditi raspodjela prihoda po osnovu taksi.

Općine koje čine Grad Sarajevo (Stari Grad Sarajevo, Centar Sarajevo, Novo Sarajevo), u prethodnom periodu donijele su Odluke o visini komunalnih taksi, bez da se prije donošenja navedenih odluka utvrdio način raspodjele prihoda po osnovu taksi shodno gore navedenim odredbama citiranog člana Zakona. Prema saznanjima Općina Novi Grad Sarajevo predmetnu Odluku razmatra u formi Nacrta.

Napominjemo da je na ovu temu, po pozivu gradonačelnice Grada Sarajeva, dana 14.04.2022. godine održan sastanak sa predstavnicima gradskih općina, a u vezi sa potpisivanjem Sporazuma između Grada Sarajeva i gradskih općina o raspodjeli prihoda koji se prikupljaju od komunalnih taksi na području Grada Sarajeva u skladu sa članom 5. Zakona o komunalnim taksama Kantona Sarajevo, međutim do zaključivanja sporazuma nije došlo.

Shodno navedenom zaključku, gradonačelnica Grada Sarajeva nastavila je sa započetim aktivnostima na dosljednoj primjeni Zakona o komunalnim taksama Kantona Sarajevo („Službene novine Kantona Sarajevo“, broj 8/22) te postupanju u skladu sa odredbama člana 5. stav (2) i stav (3) navedenog Zakona. S tim u vezi, a sve u cilju iznalaženja najadekvatnijeg rješenja kako bi se stvorili uslovi za potpisivanje sporazuma između Grada Sarajeva i gradskih općina, prije održavanja novog sastanka sa predstavnicima gradskih općina, a naročito prije poduzimanja bilo kojih drugih radnji i mjera, dana 29.04.2022. godine, dopisom broj 01/13-12-3719/22 gradonačelnica Grada Sarajeva obratila se Ministarstvu finansija Kantona Sarajevo kao nadležnom organu za vršenje poslova nadzora nad primjenom navedenog propisa, tražeći da u okviru svojih nadležnosti obezbijedi dosljednu primjenu

odredbi istog, ili davanjem preporuke gradskim općinama ili davanjem stručnog mišljenja u pogledu obaveznosti primjene odredbi člana 5. stav (2) i stav (3) citiranog Zakona.

Navedeni dopis je na znanje i postupanje dostavljen Vladi Kantona Sarajevo, Skupštini Kantona Sarajevo i Ministarstvu pravde i uprave KS.

Obzirom da još uvijek nismo dobili izjašnjenje i odgovor po navedenom dopisu od strane Ministarstva finansija Kantona Sarajevo, o daljnjim aktivnostima po ovom pitanju bit ćete blagovremeno informirani.